

## Obrazovanje u oblasti ljudskih prava za pravnike (HELP) na Zapadnom Balkanu”

### Šta je cilj?

Kao dio Programa obrazovanja Vijeća Evrope u oblasti ljudskih prava za pravnike, projekat „HELP na Zapadnom Balkanu“ doprinosi boljoj zaštiti osnovnih prava na državnom i regionalnom nivou. Opći je cilj pomoći pravnicima kao predvodnicima zaštite ljudskih prava da steknu bolje razumijevanje o standardima osnovnih ljudskih prava i kako te standarde primijeniti u svom svakodnevnom radu. U projekat su uključene državne ustanove za obuku sudija i tužitelja, kao i advokatske komore na Zapadnom Balkanu u široj mreži HELP-a koja obuhvata 47 država članica Vijeća Evrope i šire.

### Ko ima koristi od projekta?

Pravni i drugi stručnjaci (iz oblasti pravosuđa) iz Albanije, Bosne i Hercegovine, Kosova\*, Crne Gore, Sjeverne Makedonije i Srbije imaju koristi od projekta HELP, koji nudi širok spektar online kurseva o različitim temama iz oblasti ljudskih prava. Kursevi su otvoreni za studente prava/buduće stručnjake putem platforme e-učenja HELP, a mogu se prilagoditi lokalnom kontekstu te su prilagođeni i stručnjacima i predavačima.

### Kako će projekat funkcionirati?

U saradnji s ključnim lokalnim akterima, HELP razvija i provodi razne online kurseve fokusirane na osnovna ljudska prava za pravne i druge stručnjake (iz oblasti pravosuđa). Kursevi pružaju visok kvalitet i najbolju evropsku praksu, jer su razvijeni sa vodećim stručnjacima Vijeće Evrope, uključujući pravnike iz Sekretarijata Evropskog suda za ljudska prava.

Kursevi su interaktivni i praktični, s ciljem da poboljšaju znanje, vještine i stavove stručnjaka u pogledu evropskih standarda osnovnih ljudskih prava i kako te standarde treba primijeniti u konkretnim situacijama. Metodologije HELP-a lako se prilagođavaju zakonodavstvu i kontekstu korisnika. Regionalna dimenzija pruža mogućnost institucijama za obuku da razmijene najbolje prakse o metodologiji u oblasti ljudskih prava. Štaviše, on omogućava regionalnu razmjenu znanja o standardima osnovnih prava među pravnim stručnjacima.

### Koje rezultate očekujemo?

Projekat „HELP na Zapadnom Balkanu“ doprinosi efikasnijoj i učinkovitijoj primjeni standarda osnovnih prava na lokalnom nivou:

- ▶ jačanjem kapaciteta pravika za učinkovitu i dosljednu primjenu evropskih standarda za zaštitu osnovnih ljudskih prava u svom svakodnevnom radu;
- ▶ jačanjem kapaciteta lokalnih aktera, kao što su državne institucije za obuku sudija i tužitelja, advokatske komore i univerziteti za pružanje visokokvalitetne obuke na terenu.

Finansirano  
od strane Evropske unije  
i Vijeća Evrope



Implementirano  
od strane Vijeća Evrope

## Koliki je budžet projekta?

- ▶ ukupni budžet projekta je 800.000 EUR;
- ▶ budžet dodijeljen cjelokupnom programu Horizontal Facility iznosi oko 41 milion EUR (85% finansira Evropska unija, 15% Vijeće Evrope)

## Kako možemo dobiti više informacija?

- ▶ platforma Vijeća Evrope za e-učenje HELP: [help.elearning.ext.coe.int](http://help.elearning.ext.coe.int)
- ▶ Internet stranica Programa obrazovanja Vijeća Evrope u oblasti ljudskih prava za pravne stručnjake (HELP): [www.coe.int/help](http://www.coe.int/help)
- ▶ Internet stranica programa Horizontal Facility: <https://pjp-eu.coe.int/en/web/horizontal-facility/home> Marija Simić, službenik za komunikaciju programa Horizontal Facility, [Marija.SIMIC@coe.int](mailto:Marija.SIMIC@coe.int), +381 63 601 337
- ▶ Besnik Baka, službenik za komunikaciju programa Horizontal Facility, [Besnik.BAKA@coe.int](mailto:Besnik.BAKA@coe.int), +355 69 217 8430

## O programu Horizontal Facility za Zapadni Balkan i Tursku

„Program Horizontal Facility za Zapadni Balkan i Tursku za period 2019-2022. godina“ predstavlja zajedničku inicijativu Evropske unije i Vijeća Evrope koja korisnicima omogućava da ispune svoje reformske programe u oblastima ljudskih prava, vladavine zakona i demokratije u skladu sa evropskim standardima, uključujući, gdje je to relevantno, u okviru procesa proširenja EU. Ovaj trogodišnji program obuhvata projekte u Albaniji, Bosni i Hercegovini, Crnoj Gori, Sjevernoj Makedoniji, Srbiji, Turskoj, kao i Kosovu, a provodi ga Vijeće Evrope od maja 2019. godine.

*\*Ovaj naziv je bez prejudiciranja statusa, i u skladu je sa Rezolucijom Savjeta bezbjednosti Ujedinjenih nacija 1244 i mišljenjem Međunarodnog suda pravde o Deklaraciji o nezavisnosti Kosova.*

Vijeće Evrope je glavna organizacija za zaštitu ljudskih prava na kontinentu. Obuhvata 46 država članica, uključujući sve članice Evropske unije. Sve države članice Vijeća Evrope su potpisale Evropsku konvenciju o ljudskim pravima, sporazum koji ima za cilj da zaštiti prava čovjeka, demokratiju i pravnu državu. Evropski sud za ljudska prava kontroliše implementaciju Konvencije u državama članicama.

[www.coe.int](http://www.coe.int)

Zemlje članice Evropske unije odlučile su da udruže svoja znanja, resurse i sudbine. Zajedno su izgradile zonu stabilnosti, demokratije i održivog razvoja, zadržavajući kulturnu raznolikost, toleranciju i individualne slobode. Evropska unija poklanja posebnu pažnju razmjeni postignuća i vrijednosti sa zemljama i narodima izvan svojih granica.

[www.europa.eu](http://www.europa.eu)

*Ovaj letak izrađen je uz finansijsku podršku Evropske unije i Vijeća Evrope. Stavovi izneseni u ovom letku ne mogu se tumačiti kao službeni stav bilo koje strane.*

Finansirano  
od strane Evropske unije  
i Vijeća Evrope



COUNCIL OF EUROPE



Implementirano  
od strane Vijeća Evrope